

Reglur um dagþjálfun aldraðra

1. gr.

Markmið og markhópur

Megintilgangur dagþjálfunar aldraðra hjá Akureyrarbæ er að styðja notendur til sjálfstæðis og sjálfræðis, ásamt því að efla færni og sjálfsbjargargetu heima og í dagþjálfun. Dagþjálfun er ætluð öldruðum sem eiga lögheimili á Akureyri og búa í heimahúsum. Annars vegar eru almenn rými ætluð 67 ára og eldri og hins vegar sértæk rými ætluð einstaklingum með greindan heilabilunarsjúkdóm. Öldrunarheimili Akureyrar annast rekstur á einu dagþjálfunarrými sem Eyjafjarðarsveit hefur heimild fyrir.

2. gr.

Skipulag þjónustu

Dagþjálfun aldraðra er staðsett í Hlíð, Austurbyggð 17. Dagþjálfun er veitt alla virka daga frá kl. 8:15 til 16:00.

Í dagþjálfun er boðið upp á flutningsþjónustu til og frá heimili einstaklings, tómsundaiðju, félagslegan stuðning, fræðslu, ráðgjöf, aðstöðu til léttra líkamsæfinga, iðjuþjálfun, fæði, hvíldaraðstöðu og aðstoð við athafnir daglegs lífs. Hægt er að sækja sjúkráþjálfun að fenginni tilvísun frá lækni. Einstaklingsbundið er hversu oft og hvaða daga viðkomandi mætir í viku og skal að jafnaði endurmeta þörf einstaklings í almennu rými fyrir dagþjálfun á 3-6 mánaða fresti.

3. gr.

Gjaldtaka

Notendur dagþjálfunar greiða daggjald fyrir veru sína hverju sinni samkvæmt reglugerð Velferðarráðuneytisins um daggjöld stofnana sem ekki eru á föstum fjárlögum.

4. gr.

Mat á þörf fyrir þjónustu

Umsókn um dagþjálfun aldraðra skal berast búsetusviði Akureyrarbæjar, Glerárgötu 26 á sérstökum eyðublöðum sem þar fást eða á heimasíðu Akureyrarbæjar. Á þeim skal koma fram ástæða umsóknar, þjónusta sem sótt er um, lýsing á heilsufari, líkamlegri færni og andlegu ástandi ásamt fjölda daga og tímabils sem sótt er um. Með undirskrift veitir umsækjandi heimild til að haft verði samband við lækni, starfsfólk heimahjúkrunar og heimþjónustu eða aðra

þá er þekkt til umsækjanda, ef þörf krefur vegna mats og vegna reglulegs endurmats á þörf fyrir dagþjálfun.

5. gr.

Afgreiðsla umsókna

Fulltrúar dagþjálfunar Hlíðar ásamt fulltrúa frá búsetusviði Akureyrarbæjar sjá um afgreiðslu umsókna og ákvarða um veitingu þjónustu. Tekin er ákvörðun út frá þeim upplýsingum sem fram koma á umsóknareyðublaði auk annarra gagna er kunna að fylgja eða óskað hefur verið eftir.

Innan fjögurra vikna frá því að umsókn berst er haft samband við umsækjanda. Ef umsókn er samþykkt er tiltekið; annað hvort að viðkomandi sé boðin dagþjálfun og til hve langs tíma eða að umsækjandi sé á biðlista og verði boðin þjónusta þegar rými losnar. Sé umsókn synjað fylgir rökstuðningur synjuninni og upplýsingar um að umsækjandi geti vísað ákvörðuninni til velferðarráðs Akureyrarbæjar, sé hann ekki sáttur við niðurstöðuna.

6. gr.

Kynning á þjónustu

Fulltrúi dagþjálfunar Hlíðar hefur samband við umsækjanda af biðlista þegar rými losnar. Umsækjanda og eftir atvikum öðrum fjölskyldumeðlim er boðið að koma í viðtal og kynningu á dagþjálfuninni. Aðstaðan er sýnd og þjálfunin og starfsemin kynnt. Að undirbúningi loknum getur dagþjálfun hafist eða viðkomandi fer á biðlista.

7. gr.

Varðveisla gagna, trúnaður og aðgangur að gögnum

Málgögn er varða persónulega hagi einstaklinga skulu varðveitt með tryggilegum hætti. Hafi starfsmenn kynnst einkahögum umsækjanda eða annarra í starfi sínu er þeim óheimilt að fjalla um þau mál við óviðkomandi nema að fengnu samþykki viðkomandi.

Umsækjandi á rétt á að kynna sér upplýsingar úr skráðum gögnum sem varða mál hans að svo miklu leyti sem það stangast ekki á við trúnað gagnvart öðrum.

8. gr.

Áfrýjun

Telji umsækjandi á rétt sinn hallað skv. reglum þessum getur hann vísað máli sínu til velferðarráðs innan fjögurra vikna frá því honum barst vitneskja um niðurstöðu umsóknar. Velferðarráð skal fjalla um málið og taka ákvörðun eins fljótt og auðið er.

Umsækjandi getur skotið ákvörðun velferðarráðs til útskurðarnefndar velferðarmála, Hafnarhúsinu v/Tryggvagötu, Reykjavík. Skal það gert innan þriggja mánaða frá því að umsækjanda barst vitneskja um ákvörðun velferðarráðs.

Samþykkt í velferðarráði í 18. maí 2016

Samþykkt í bæjarstjórn 7. júní 2016

Lagt fyrir velferðarráð 30/8/2017
Samþykkt í velferðarráði 15/11/2017
Samþykkt í bæjarstjórn 12/12/2017